

Additamenta nonnulla ad floram bulgaricam.

Auctore: S. Jávorka (Budapest).

I. *Silene Urumovi* Jáv. n. sp.

E subsektionem *Botryosilene* ROHRB., differt a *Silene longiflora* EHRH. typica in Hungaria, Bohemia, Serbia, Romania nascente foliis angustioribus, inferioribus lineari-lanceolatis, plus-minus glaucescentibus et scabridis. margine usque ad apicem scabrido-serrulatis, foliis caulinis fere subulato-linearibus. Caule etiam basi glaberrimo, fere a basi (an semper?) ramoso, ramis inferioribus elongatis, 1—4 floris, superioribus multo brevioribus 1—2 floris, supremis brevibus unifloris. Calyce ca. 3 cm longo (nec. uti in *S. longiflora* 2.3—2.7 cm), carpophoro semper 1.7—1.8 cm longo (in *S. longiflora* 0.9—1.3 cm longum); capsula carpophoro semper evidenter brevior (in *S. longiflora* aequilonga), 1.2—1.3 cm longa.

Crescit in graminosis siccis ad Sufandere montium Rhodope. ubi cl. I. URUMOV, scrutator florae bulgaricae indefessus 10. Jul. a. 1912. legit. Verosimiliter specimina bulgarica ab auctoribus sub nomine *S. longiflorae* nota saltem ex parte majore ad hanc speciem pertinent. Nec non huc pertinet *S. longiflora* var. *juncea* BECK Fl. Bosn. Herc. (nec ROTH).

Silene Urumovi sistit ergo speciem (si inavis subspeciem) *S. longiflorae* vicariam in Peninsula Balcanica imprimis in Bulgaria, ad occidentem usque in Hercegovina nascentem, quae in Dobrudsha, Bessarabia (circa Odessam) et verosimiliter in Serbia meridionali in *S. longifloram* typicam, in Graecia, Macedonia et vicina Bulgaria vero in *S. staticifoliam* S. SM. transire videtur.

S. staticifolia S. SM. nempe calyces quidem ca. 3 cm longos habet, sed rhizomate incrassato pluricauli, caulibus humilioribus, simplicibus, 1—4 floris, foliis minutis, glaucis, valde angustis, scabris, nec non loco natali speciem vicariam Graeciae, Macedoniae, verosimiliter etiam partis Asiae minoris occidentalis sistit.

S. juncea ROTH (= *longiflora* β. *juncea* OTHL. = *longiflora* var. *Seuillitzi* SOMM. et LEV.?) in Transcaucasia nascens foliis angustioribus, inferioribus toto margine serrulato-vel ciliolato-denticulatis, calycibus ca. 2.5 cm longis, magis membranaceis, capsula carpophoro quidem brevior, sed minore (ad summum 1 cm longa). petalorum limbo sec. SOMMER et LEVIER ad tertiam partem tantum partito a nostra planta recedit.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Ungarische Botanische Blätter](#)

Jahr/Year: 1918

Band/Volume: [17](#)

Autor(en)/Author(s): Javorka Sandor

Artikel/Article: [Additamenta nonnulla ad floram bulgaricam. 69](#)